



Le Dietenheim rosedëia le dopl vantaje dl La Val y fej sùa la partida de andata de Copa Provinzia.

Sot le rî tēmp él incō sabeda gnū sughé la partida de andata dl secundo rode de Copa Provinzia contra la formaziun dl Dietenheim. I ladins segnēia dui goi dal mēteman mo vēgn castigá ti ultims menüc cun en terzo gol da pert di aversars. Bele tl pröm menüt segnēia i ladins le pröm gol, sön aziun rōia Adrian cun le palé dan porta y vega na trata bassa che ti scinca atira le vantaje. Sön le ciamp strēnt é i aversars cotan plö stersc, tla proscima cherd'ora lasci udēi n bel jüch y pressēia dassēnn la defenjiun ladina. Al 25[^] é Samuel che dribleia jö la fascia y fej pié ia na crossada/trata contra le pé lunch de porta, le palé é indirizé contra l'incrujiada che ti scinca le secundo gol por La Val. Atira do é ciamó Christian che manacia de fa só gol, cun na morvēia se portel le palé sön le pé dērt mo la trata rōia de püch dlungia ia. Al 44[^] davagna i aversars na puniziun dal limit, la trata de prezijiun rebat tla stangia de porta y spo te rēi.

Le pröm tēmp se stlūj insciö jö sön le 2-1.

Zeruch sön le ciamp sciampa le sterch numer 9 dl Dietenheim contra porta dassú, Julian antizipēia bun mo le palé rōia al compagn che á ma plö bria de tra te porta por le 2 a 2. La formaziun aversara é tecnicamēnter plö sterscia co i ladins tla secunda pert, che vēgn druca zeruch a defēnn. Do che l'arbiter mostra i cinch menüc de recuper vēgn le numer 9 sorví de cé y pro na trata al jore dalunc che rōia tl set de porta. Por i ladins na duscia frēida che n'á nia plö tēmp a disposiziun por remunté la partida.

Formaziun La Val : Julian Moling, Martin Ploner, Marco Castlunger, Paolo Vallazza, Egon Frenes, Marco Sottara, Freddy Sottara, Stefan Sottara, Christian Dapoz, Samuel Winkler, Adrian Miribung

Goi por La Val: Adrian Miribung al 1[^] y Samuel Winkler al 25[^]

Proscima partida: In sabeda ai 12 de novëMBER dales 14:30 a La Val